





黃負父先生寓林詩集叙  
負父之門人萃負父文而  
行之曰寓林集三五巨公  
業已弁之矣而獨以其詩  
委李生令叙之夫詩之有  
大小序或以為卜子夏或

以為衛宏非深知作者之意不輕任也顧余得事負父久束髮搯觚備博士家言則奉負父為祭酒已間藝馮司成先生先生輒分半座與負父益媿稔其議

論蓋未嘗不第畜余也萬曆辛卯李平章公典浙試余與負父同入彀已先後俱官豫章龍沙廡漱廬阜漳江多經余兩人嘯咏已余得告就子舍負父時一

休假憇節里門奚囊酒瓢  
追躡明聖湖頭亂峰夕陽  
夾堤春水雲卷雲舒花生  
花萎皆余兩人詩俎也貞  
父倚醉雄譚寰中事靡所  
不譏彈賞激而於詩則慎

持之貞父每曰詩難言之  
詩難言之詩之於父猶酒  
之於飲食酒無關解渴濟  
饑而達肌膚發顏色嗇然  
獨與神明謀詩之視父若  
深若淺若出若入若有味

若無味若可解若不可解  
若煩思索若不煩思索無  
才人不能吐一字而見才  
則顯斧鑿無學人不能妍  
一句而見學則傷牽綴李  
杜韓柳禁厨法醞麴材大

良長吉玉川樊南桑苧鶴  
觴俾筒滃然異趣他如元  
白寡薄郊島酸醜悉非上  
尊姑充野勺無已則挹元  
暉澄練之江滴靈運芙蓉  
之露蒸襄陽夢澤之新波

彭澤良苗之秣從空明妙  
湛中別出靈手庶足叩希  
音之先而續刪後之脉以  
故貞父於他文無不奇豪  
跌宕務快胃臆書策染裾  
灑灑自恣迨其為詩則冷

泠然有球磬而無鼓鞀蕭  
蕭然有羽籥而無干戚抽  
枕抒感一出冲素之襟領  
勝獎奇不借朱藍之績隨  
扣擊以取音顧躅躅而滿  
志立之神師姑云陶謝王

序五  
孟運以意匠實羅魏晉陳  
隋合之居恒所持論所謂  
虛明妙湛別出靈手乃貞  
父自謂也近代諸子角聲  
俊而闇中扁工肖模而乏  
天韻雕刻摘淪索隱幽

非詭則勦似新實腐雖時  
名藉甚部帙盈車質之貞  
父意度殊所外也貞父惟  
每視以為難故不居以為  
重平生所綴隨手散落門  
人輦僅吹拾焚餘故所存

若此然亦足以知鼎味矣  
林君復煨句梅花室中嘗  
言諸葛孔明謝安石以有  
匡時之略南陽之廬東山  
之屐終為鈍置而已則胷  
中空洞一無所置景物倒

睨視二子反有德色彼固  
以五字句易盡寰中事者  
今天下邊徼多虞官府未  
一所須匡濟非細以負父  
材識精采應之裕如西湖  
詩局應全遜君復而自領



鼎鐘則不佞弟更當効末  
技為貞父銘五熟釜不徒  
任受風雅羽翼而已

天啓甲子七月就李年弟

李日華頓首識



寓林集詩目錄

卷之一

四言古

平西頌五章章八句為大中丞龍潭葉公賦

短歌行

恭賀乾清坤寧二宮成頌

述意

五言古

懷古



五日之內兩謝知己云亾之痛不能爲懷作  
釋哀一章

悼內十首

有序

馮繩武招飲湖舟兼呈凌四元禮時元禮小  
恙

贈李山人醫隱

茅薦卿邀余讀書山中同舍吳子野金玄朗  
輩皆一時雅士各紆所懷

愛妾換馬

陌上桑

苦寒行

坐冷泉石

贈吳子野

郭璞墓

燕子磯

賦得胡姬年十五

夏日西園述懷

爲李本寧太史賦甫柏臺四首

寒食歸自璉水作七首

寄劉抑之兄

賦得春晚綠野秀分秀字

述哀

壽胡元敬先生五袞詩并序

送開之先生赴官南大司成

明鏡行送錢國維赴官銓部

六月帷中諸生讌集靈鷲山

賦得馮婕妤當熊 出門應南宮試作

遲沈水部伯含不至 游西山作

贈阮堅之司理 東阿懷古

清江浦阻風偶讀阮籍詠懷詩作

兩君詠

湯儀部若士顯祖 曹民部能始學佺

自君之出矣三首

夢遊仙詩 景州道中作

嘆逝篇 有序

五月授進賢令出都辭諸游好作

聞言

黃子為鍾陵令三年無可報成者吏人忽見

告及期矣悚然有作

榛兒過歲作 朝櫛偶成

寄贈鄒爾瞻先生二首

余常言閱宦籍可以長道心今檢骸骨可以

悟無生偶成代偈

潤波作

除夕作

玉版詠五首

有序

張孝子詩六首

有序

初秋過英山遲劉幼安先生

遲幼安先生不至再閱鄧文潔公集

感懷二首

嘉平月再入觀作

感遇十三首

有序

張洪陽相公小集桃花嶺次韻一首

洞霄宮

在餘杭

西目得觀字

達觀和尚墓

歸宿佛慧是夕微雨草遊紀示詢師

為吳太夫人賦兼贈吳體中大叅臨越

山寺朝起試程君房玄元靈氣墨

張方平好佛杜祁公常怪之一日祁公召醫

者朱生云從方平看楞嚴經來遲祁公即

索觀之不覺驚嘆造方平謂其知之不以

告方平日譬如失物既得不必悔其晚也

予偶覽法喜志見此一段因拈數語為二

公會面

感懷詩別姜仲文

送劉抑之少卿奉差南還五首

山樓禮佛為省南開士題

般若堂

清美亭為會長石太史賦太史父子俱好棋

取東坡詩中觀棋句也

來雲亭為渤海王木仲太史賦

同醒齋為同年黃又謙賦

偶過鄧玄度一醉兼讀其百花洲集

為米仲詔湛園分賦飲光樓

續佛居

還青亭詩三首為方東谷先生賦

舟入西陵作

過陶周望水天閣與君爽小飲夕下鏡湖

沈釀川

古虞舟中

姚江阻舟

煉丹臺

自指月庵登石筍砭下松谷

白猿 巖灘 出我 宿蓮華洞

嚴灘 出我 午後步成懋循園林

湧雪洞 紫霞洞中

玉露洞 望水天開與春爽小燈又下巖

孟夏赴周孚卿約遊三洞還寄謝婺州郡邑

諸公

卷之二

五言古

焦莠侯先生邀同鄭水部 高民部遊三寺

作 嘉石閣

梅花水 幕府寺

杪秋同高民部邀熊侍御遊靈谷寺暢飲竟

夕陶然有作用東字韻

秋日小病偶得若昧師貽野外罕人事詩依

韻有作 登攝山

同心持再過天開巖諸勝

訪蘊暉師偶錯徑路首句及之

初夏國華宗侯招同趙當世集筭堂限韻

此夕因華宗弟同飲當世樂府堂別前  
暑宴客散留范東生茅公選劇飲有作

重遊牛首巖天開氣清輓萬心源憲副

白門九詠 有序

登洲山

贈別焦弱侯先生二首

贈王太古山人 東字 贈別錢國藩年兄

為修吾宗侯題四詠

好修堂

燕坐齋

最樂處

羣鷗閣

余往令鍾陵去此廿年丁巳以督學一再歷

情景依然偶得五首

述懷二首以著作被焚也

沈叔敷同年招飲一杯亭和韻亭為昔賢趙

汝愚所創隣謝疊山書院

東林寺走筆題三昧上人冊

康侯王孫投郊居詩答贈

寄懷鄒爾瞻先生 濠梁驛作

贈別周孚卿觀察山東 有序

寓林詠懷四首察山東

郭凝之三十初度自題秋水圖漫述斯意為

東壽

邀李宗文飲齋頭兼酬贈言

宗文是本寧先生姪

謝巖詩

有序

贈楊仲堅光祿入朝

七言古

歌行

為醒神翁寄贈九江許懷柏先生

柱杖行陶大冶山人見贈竹杖率爾畱謝

游戲平林圖語溪令周茂實為秀州徐司理

索題

白日嘆為故同年沈孝廉啓鯁作沈以毋歿

讀董伯念傳慨然有作并序

濟水行

公車阻東征兵作

觀海歌

山海關作

從天目登徑山次蘇長公韻

為楊使君題廨中芙蓉石圖



五月從李伯東先生招飲得沈石田雪圖詩  
披之依韻命作以志別思

題李翁九龍杖歌 有小序

棲賢歌

山在潤陂唐戴叔倫隱處戴潤州人

春江花月夜

渡楊子作

除夕送門人盧玄則南歸應有司試

高保山房歌

有序

苦水行

中秋雨宿玉山客館偶尹明府見餉尊榼次

壁間韻率爾書謝

老將行

為婦翁張總帥作

為大納言沈公賦玉陽圖

送李玄白下第東歸

讀樂天不能忘情吟亦戲吟嘲之

生人行贈曹生

有序

為李邦秀孝廉題佩石贈言冊

送米友石遷令六合君舊為銅梁長

衆壑雲橫圖是董玄宰筆為蕭九生給諫題

題范長公七十松萱圖為范宜卿少叅兄

長歌別鄧玄度同諫之金陵

引勝歌為張眾之賦

煉丹臺看雲 黃山 釣臺

從焦弱侯先生訪陳季立翁於僧舍有贈 陳

翁故為戶侯 石馬行

中峯 祖堂觀百祖像歌

可賦亭歌為唐仲言山人漫成仲言雲間人

五歲喪明而能古文能詩偶移家白門之

珍珠橋友人許北部為構茅亭一椽余題

之曰可賦取杜甫已公茆屋下可以賦新

詩之句

徐孺人六十華誕為孝廉李匡明之母歸而

上壽詩以貽之

楊師母陳老夫人八十高壽詩以奉祝

題張眾之畫扇

春雨夜集陳白室陳寄南惠石泉莫秀甫諸

丈偶得覃字

沈五陵八十翁生辰即次七十壽詩原韻奉

卷之三

五言律

春日溫允文吳用修過瑤山寺問病分得鐘

字

雙林過訪沈觀頤先生

秋日小憇岫嶠山房

七月望世傳藍門齋期亾者還家荆人顏色

杳不可卽感泣作此

贈文池上人

夜泊寶應酌蔡五岳舟中

裴公洞坐感於陽土災秋日爲茅薦卿生辰

落葉

探烏龍洞阻雨得十三元

碧浪湖別梅季豹得三江

朝雪分得十四寒  
得家嚴書聊爲撥悶

元旦

春日耶溪公朗兩上人小集得寥字

劉幼安太史過訪靈山謬託蘭契小詩見懷  
過無已上人經堂

秋夜餞戴晉仲兄弟還鄆郡

送茅薦卿補官北上

送陸拙之遊燕

賦得少年臨水

蘇門先生招飲湖上吳允兆吳翁晉沈伯含

黃白仲高深父俱集分得十三元

不寐

沈伯含招集賦得落照分飛字

遲客暮矣喜劉生至快飲

哭門生郝君武二首

讀吳仁仲年兄所志內行詩以悼之

春來雨雪特甚予擁衰絰下帷璉水愴然有

立作

吳允兆張異度吳用修溫允文夜集茅孝若

齋中分得歌字

用修邀集瑤山寺分得明字

自璉水寄別楊仲堅之官安城

蓮池師說法南屏後還山詩以送之

靈隱寺達上人薙髮別號石林詩以祝之

立夏日贈別梅季豹之宣城

病懷四首  
哭次見茂槓殤

登秦駐山  
訪殷方叔隱士  
有序

雨中訪秋潭禪師

壽休寧汪先生九十先生之子爲秀州博士

宿弁山法華寺

聞沈中丞閩中量移感寄

過吳子野園居

冬夜四明吳石父張成叔漳南吳翁晉雲間

康季修輩集茅孝若齋中分得清字

山閣諸生小集  
懷抑之司理

燭淚  
賦得泉聲分雲字

贈卜者陳生陳生亦善書

晚眺飛來  
贈僧慧石

靈萱符壽爲胡三溟母夫人賦

避暑山中賦得美人贈衣

聞蟬

悼能公

七夕訪崑山歸季思夜集

賦得朝煙

秋夕與所知飲斷橋

贈晦谷法師

劉生訪山中

聞虎二首

遡音上人輩小集湖山分茲字

丹陽道中逢賀伯闇行人頒詔下吳

秦郵朝發逢菊喜而載之

贈綾襪有懷三首

小集倩華館分得家字

郎中過郝仲輿給諫

畬吳仁仲

游東岳檢道藏處

初夏送錢國維銓部罷官歸

看竹

送丘伯畏年丈廣文蘭溪

送姚允初年丈廣文嘉定

送李晴原老師之任南粵

寄答曹尊生民部潞河

高都闔方上疏請兵訪之忽臥牀半痿矣爲

之一笑

三河以下督餉山海關作

歸自北平雨值唐美承使車

宿碧雲寺

自香山寺入弘光寺

臥佛寺有娑羅樹

飯隆恩寺與僧寬

獻縣逢陸纂父

新嘉驛亭

金山寺果公淨業庵是馮開之祭酒所題

馬雲海山人送予瓜步作別

送馬健之材官從戎薊門因謁項江兩兵憲

舟滯宿遷陳雲渠同年夜集

晚登嶧山

移舟采蓮

雨宿楊子

秋夕泊姑蔑與門人鄭簡孺徐次孺小飲

包彥平過訪鍾陵殊媿寂寞卽事賦得二首

秋宿樊叅知園亭

因劇有懷

行縣喜雪時立春前二日

出日

宿池溪館見劉抑之懷李君實詩悵然作次

與汪長康輩小飲清林館是日值予生辰

朝行太湖山松下因懷顧桐柏年丈

將入東林作戲刻於賦寫其明事湖詩二首

宿州壁間客有賦孤燭異鄉人次韻作

米仲詔招飲湛園同汪明文山人劉九畹同

年分得齊字二首

覲還辭朝別汪長康旬日喜再晤彭城朝發鄒縣

別汪長康旬日喜再晤彭城聞更玉函共賞

玉版居

張園

徐園

訪曹能始明刑署署在豫章城中後傍明湖

香荷如幔而余以能始始得之二首

閒雲樓再晤能始

秋夜胡光六年丈招飲湖上偶感時事

七夕前一日湖上微雨邀馮開之吳伯霖家

倩德懋飲

別楊仲堅侍御按吳分得風字



題玉湖漁父圖為周叔隱

夜行古蕩投佛慧寺

佛慧僧圓賦予易規隱字之取靈運山月隱

半規之句

自禹杭入臨安訪樊明府

臨安再晤樊致虛進士

宿西目竹房

禮高峯塔次開之先生明字

活埋庵

禮斷崖塔

徑山看竹

輓梁慎亭大叅

梁故為侍御史

冬夕訪顧任卿廣文于桐鄉不值重蕭然之

感

吳門值楊仲堅按部作

北固喜張爾葆至

吳載伯司城往在燕晤沈五陵齋中忽以改

官共載入京見贈佳詩次韻為答

朝發彭城北看雲人過滕縣有感

賦得壁上酒瓢唐人題

彭城過彭祖祠

九日抑之兄邀同元素摩訶庵登高分得聲

字

哭門人丁叔兼三首

叔兼是右武季子

元旦作

送張武選肅之還山陰

懷爾葆兄弟二首

潘華魯光祿貽榻詩以謝之

避喧般若庵萬都尉仲晦載酒相過門人盧

玄則亦至分得憐

般若庵問僧非幻逝久矣慨然有作

僧鋹是非幻同衣出其遺詩覽之

讀香山集

夏日同喻養初同年邀劉石間奉常飲三聖

庵水亭上人探一籌俱得開字喜而有作

又次奉常韻

雨中送鄔子遠為七夕前一夕

雨夕韓邃之王木仲載酒過訪

秋夕陳中湛父母邀同劉著泉年兄爲西郊

之游晚從慈明寺中歸

九日送張孟奇權關吳門時水部沈千秋張

宿甫俱奉差南還

九月雪後米君夢吳翁晉鄧遠遊沈碩生集

李伯遠齋中分得街字

張聖標見過小坐 不寐

哭龔大行維新於長安禪房

初度四首

送李伯遠廣文之臨安四首

除夕

卷之四

五言律

元旦二首

歌筵贈別吳門倪生

送會長石太史歸省

讀維摩經有感

午睡溫長卿至

送蔡敬夫武庫還同安

紙帳  
贈盧瞻南之官宿松

別姚元素三首  
別周茂實銓曹

走筆題陳眉公畫扇

秋山讀書圖為海若高士題

鏡園為劉百世題

宋化卿吳仁仲諸君以余左遷移酌竹下即

席有作三首  
病眼

寄贈方冲含薦師為別四首

初秋社集分韻二首

過德州劉元定精舍時元定偶起尊鱸之想

賦此為別二首

哭陶司成周望  
鑑湖

戴山戒珠寺故王右軍宅

若耶溪  
雲門寺

慈谿訪劉抑之光祿

過抑之新宅  
慰張成叔內翰病中

同抑之瞻香山千佛殿因訂來約

將游黃山入臨安時值病目

潛陽山行

新安山中

汪然明竹閣

吳氏曲水園

喜潘景升至

晤新安舊門人作

石壁

宿蓮華庵

三宿指月庵用阿字

自松谷還上石筍作

禮白嶽

天門

目石橋巖還白嶽

壽王山人六十

過訪張玄中吳興

南屏遲雪

除夕

贈吳長統

為周子嘉人日舉子賦

山中送徐觀我銓部

九日逢病過理安禪院五首

雨中訪郭凝之得絲字凝之近耽禪

逢岳儀部爾律轉慶遠守歸述事有感二首

吳江訪周本音值其病問之

聞梧兒舉子即化去

贈從遊姜于諸子

同門人姜清源兄弟夕泛西瀾湖

董釐卿載酒舟次依韻報謝

錢起莘侍御孫淇澳太史移酒舟次報謝

夏日雨後同毛公輿申玄渚兄弟訪趙凡夫

山居二首

哭張倩七首

有序

送卓仲昌赴官上林

贈夏仰瀾先生

送王明初大叅督漕淮上

冷泉亭小集

春日沈伯含招集花下尋武林社同得東字

送張肅之還朝

招秦冰玉山人遊三洞發舟喜詢禪師至

賦得春堤柳色分得伶字

晚泊漁浦潭

初夏作三洞游赴婺州周孚卿之約

賦得澱水

宿鹿田寺

赤松宮

智者寺

吳江贈別

有序以下白門

萬林詩集  
卷之五  
中秋無月羅玄父扣門失應錢國蕃微病不  
來與秦山人痛飲竹下  
望內苑桂樹作

九日前二日鄭應尼招集木末亭次韻

初冬邀汝陽秦京 新安謝少連白門柳陳

甫姚允吉同米君夢小集河舟分新字

白門送江邦申還朝二首

冬閏社集永慶寺登謝公墩分得蕭字微字

贈別高民部四首

夏日詠懷四首

秋初吉祥寺佛閣成同焦弱侯太史小坐有

刺作

迎春日社集賦得雨中春樹

重遊棲霞作 翠微庵

午自棲霞過華山 華山

雪浪山居立夏

期王太古共遊不至歸以嘲之

午日同汪然明集吳門卽事二首

孟夏還金陵泊舟作

抵官舍喜見諸朋好作

從惠應寺看馬吳父轉天界張爾韜兄弟小

坐 華嚴寺探桂

過王唯士雲宿庵有作

月夕飲報恩寺 過瓦官寺

除夕二首 元日飲銅井寺

見柳 莫愁湖與吳生白年兄快飲

病起 登弘覺寺

晚晴天闕坐眺 從牛首轉獻花巖

題姚允初同年市隱園

黃玄蓋給諫邀遊玄武湖

天界寺 看菊

訓榛兒 壽丁封翁

定林寺 雞鳴山割青亭小飲

春日曾民部舜徵招同焦太史蘇符卿張比

部靈谷觀梅二首同用徵字



贈方求仲

朗初上人自四明至邀同杏花村之遊

自金川渡峽江小憇

興安道中示鄧令

柏山道中雨後作

冬夜邀劉乾陽魏蒼水朱寰同都閩袁天印

明遠樓讌集作

徐孺子墓復構一室題之曰臥榻處

自江右還暫憇寓林作二首

聞祁爾光左遷沂州

過滁州訪周海門太僕飲醉翁亭

荏平道中雨過作

徐生來問焦弱侯先生起居

屈指丁未過宿摩訶庵作四睡詩已十二年

矣再宿書此

出長安德州道中風作晝晦時九月十一

雪霽汪閩峯山人見過快論玄理走筆漫題

對雪作

元旦二首

端午卽事

初秋王先民王德操劉晉仲馬遠之朱簡叔

集寓林分得舟字 林臥

黃禹鈞輩過訪人 贈王先民

春晴訪莫秀甫惠詩次答

春日同門人包士肩鍾茂弘看梅西溪

米仲詔夜訪寓林見示五臺柏葉庵詩即次

其韻奉答

題伴竹居手卷為琴臺潘山人

吳本如中丞過訪賦酬

春日蘇中丞招集西湖同楊仲堅看桃花值

雨 春雨

端午作 送錢長人刺史易州

答張肅之吉州寄書

野鶴吟和鄒爾瞻先生見寄

卷之五

七言律

周茂實為語溪令賦訪

初夏與郁知白卓穉穀過三生石坐話

端午日感懷  
過吳門金玄朗故居玄朗客歿

沈伯含謝九紫進士見訪山齋

聞朱大復比部以抗疏罷歸柬寄

春正壽顧對山先生七秩先生真教裔也

寶函樓爲公朗賦  
閱邸報感事

朝發盤山飯千佛寺

自中盤到上方院  
香山寺來青軒作

九日洞明宗師登香爐峯次開之先生微字

東日照明寺得層字

玲瓏山  
上有三休亭

送姚允初同年讞獄楚中

爲丁右武哭長子元禮二首

夏日建安王招飲名園有作

路漢畦先生督糧豫章未一月奄逝賦以志

慨  
受卷觀應試諸生

登潤陂棲賢山  
送朱文寧太史冊封

題郭中丞增秩瞻思卷

送顧太史冊封  
王相如持同年唐美承閩中書過訪畱飲謾  
作

六月小憇玉嶺館  
曉起嶧山作二首

東阿道中忽枉張明府仲肅詩篇

送門人周子寅新舉孝廉歸壽尊公宮諭礪  
齋先生

立夏前一夕張孟奇見招同徐鳴卿米仲詔  
諸君子集李將軍園分西字

新霽過綠雪齋同沈仲潤年兄賦次韻  
贈別張從龍儀部時從龍推尚璽少卿辭歸  
省母夫人

大司馬于田李公見枉大集答贈小詩二首  
次王伯穀韻贈佛石上人

天鏡園作  
秦望山

天都峯  
藍園作

初夏作三洞游赴婺州守周孚卿之約  
訪蕭九生叅伯

赴岳伯損之先生講堂洞之招時秦山人詢  
禪師與焉大是佳話賦以紀之

雙龍洞

冰壺洞

朝真洞

蕭叅岳損之招遊三洞復邀飲玄暢樓有作  
九日社集水部園亭分得微字

冬初畱春亭賞菊分得侵字

賦得秦淮汎雪

除夕錢國蕃羅玄甫攜酒官舍有作

少宰史公水曹清隱成奉和二首

初度白門作

嘯園社集

避暑賈氏園亭作

國華宗侯招飲時沈五陵在坐扇頭有顧鄰

初納涼詩次韻有作

城南諸山看雪期王太古不至有作

登華嚴閣

秋日登燕子磯

牛首摹歷代祖師像百幅仲冬九日值予生  
辰縣供報恩寺焦太史弱侯曾民部舜徵

蘇尚璽弘家趙駕部當世張比部肅之及  
山人王太古方求仲輩俱集天日新霽瞻  
者如雲亦一時勝事也喜而有作

元宵夕門人輩各貽華燈痛飲有作

送少司寇可泉宋翁賚捧作

吳遠庵先生六十春秋詩以為壽先生吾師

司寇公弟也

送鄭應尼擢真定守

壽羅振之光祿五十

贈王雲池徵君 壽戴郡丞

陳寄南 校士清江除夕作

和華山王心源訂遊姑山原韻

七夕徐州作

入賀 萬壽次同年蔡伯達唐美承韻時值

遼事史沈二公有宣麻之命

同年王墨池京兆招石鐙庵一飯時予病謝

酒

越日同年李四可給諫再招石鐙小坐

春日坐寓林

王先民同德操見訪寓林投以佳詩次答

賦得裊裊青蓮翠色重贈孫使君子長

凌元孚元叔黃禹均三公移尊寓林見贈佳

人作次韻

為韓母顧太孺人題榮萱冊

壽朱襟海中翰七十

封孺人丘母張夫人七秩壽詩 有引

仲夏茅孝若載酒湖上餞南思受中丞赴閩

自賦別分得霞字

林若撫載酒同陳元明王孝儀唐無阿過訪

寓林俱有佳詩見投次韻

為徐玄仗少司馬題虛全堂

督學孫子長先生以浮言拂衣賦此為別

卷之六

五言排律

雜草喜雜體時之狀天登上盤槍一宿

節壽詩

送選士李生麟初

游焦山

櫛髮士卒主繼

長安喜晤劉抑之姚元素于朝詩以相勗

雙壽詩

有小引

洪陽相公餞飲黃仲昇汪長康桃花嶺閣中

余亦與焉深夜乃別賦得十韻

清明日米君夢鄧遠游溫長卿吳翁晉閱景

倩集高粱橋賦得八齊

珍珠簾

蓀谷

自玉岑逸行入靈隱次秦水玉山人韻

十六燈夕篇得盈字

焦弱侯先生招同高孩之劉載父由吉祥寺

看桃花喜而有賦

銅殿

在金陵華山

玄父道友五十初度詩以壽之

新秋同蘇弘家張肅之曾舜徵王永啓赴焦

弱侯太史吉祥閣之招分四支

初秋蘇弘家招同焦弱侯曾舜徵張肅之王

永啓集後湖長生庵分得長字



太僕姚元素高夫人親母六十華誕詩以爲

壽

贈別同遊諸相知時有所感

王母何孺人七秩詩以壽之 有序

哭巴陵令劉文叔一律

五言絕句

無住庵雜咏爲溫允文賦

佛

鱸

蒲團

茗杯

詩版

太湖雲

月

鐘聲

半偈庵六咏

柴關

息陰處

楮帳

題贈聞持

蓮水

松隣

曲徑

題秘魔巖

喝石

靈雞塚

金僊頂

解石

醉眠石

棲賢八景 在鍾陵潤陂

農家晚唱

僧寺晨鐘

茶圃春雲

書臺夜月

公筆峯聳翠

帶水送青

寒沙泊鴈

暖谷鳴鶯

出長安劉抑之姚元素見別三絕

辯才塔二絕

石橋巖二絕

棋盤石

五花石

千佛巖三絕

古佛庵

白雲庵

木末亭看雪偶成二絕

十二咏 有序

小隱堂

白雲樓

容膝軒

白衣庵

歲寒亭

問月亭

錦雲窩

聞籟亭

吳釣磯 文開州士出於 亦蘭亭 首索余詩

六言不如軒

攬輝臺

六言絕句

吳門金玄朗快士也作移家六首索余投贈  
詠美人病起  
萬山飛錫

七言絕句

題沈九靈郊居集句

贈醒神翁二絕

寄家書口占

賦得美人戎妝

驛宿夢杜鵑花

塞下曲八首

是時紛議東事

韓視

秦嶺

試劍橋

夜坐成太史白鷗亭

天寧方丈逢僧名濟普而無字書可航歸之

宮人斜

琴操墓

大滌洞

龍元溫千里過訪走筆為別

玉嶺題別

午日行雨中走筆問丁右武一笑

庚子入計宿天池山寺荏苒三年又及期矣

廬山面目媿未全識東林去講經臺咫尺

尚未投足真是欠事遂乘日夕握衣登焉  
 臺傍構有淨室乃滇僧清虛手開此山毅  
 然有興復白社之想出卷索題余自笑是  
 折腰淵明未便過虎溪也聊題片語以代  
 再過摩訶菴四睡詩

午睡

夕睡

天朝睡

醉睡

為王木仲大史題梅花帳是日木仲東歸

道士莊是賀監隱處

樵風涇

鳴絃泉

松谷看泉

送張肅之歸山陰二絕

客貽余玉蝶梅一盆花香叢集經月不散慶

車而有作五首

獻花巖

題張眾之畫

中秋三絕時校士吉州

途中雜詠五首  
寓林偶作

邵禹玄年兄七十壽詩

題止園  
題瀛海長春圖

程生雍極自楚李本寧先生來過訪賦贈

車塵中偶閱禪偈亦妄作一偈

寓林集詩目錄終

寓林集詩卷之一



武林黃汝亨貞父著

四言古

平西頌五章章八句為大中丞龍潭葉公賦

桓桓虎臣文綏武威於赫于旄輯寧邊陲野無游氛  
波恬潢池士馬閑閑式燕以嬉

蠢茲醜類陸梁西方乘墉負嵎騷我疆場公赫斯怒  
告于天王有嚴簡書肅將戎行

靡靡蔓草秋霜殞之炎炎戎醜六軍殲之孤城破圍

舉不淹時三月鷹揚言旋我師  
我師旋止凱聲若雷天子曰都股肱良哉惠此西方  
畀予上村何以庸之鼎鐘雲臺  
山峙深谷水流百川抑抑碩人中心撝謙功成丘山  
稽首讓賢桃李不言申命自天

短歌行

樂往悲來日居月諸髮不勝心倏忽馳駒馳駒奈何  
慷慨以歌品庶馮生賢者憂多得意一時失意一時  
來亦不悲去亦不悲逝川無窮高山虞傾夷光嫫母  
明鏡寄形胡爲擾擾營身後名芳蘭自折膏火自煎  
益之損之孰知其然優哉游哉聊以永年

恭賀乾清坤寧二宮成頌

乾坤定位聖人君師宅尊御大蹈矩應規匪窮壯麗  
參彼兩儀穆穆我后奕奕我明道冒玄圃化行紫庭  
得一而奠以清以寧司空鴻工虞衡徵材川岳貢楨  
庶民子來有美漢宮勿亟靈臺九天閭闔雙闕芙蓉  
日月輝映星辰景從梁飛彩鳳漏徹銅龍霞標疏綺  
風微殿高雞鳴六寢燕怡三朝卑宮法禹采椽則堯

交欣太和竝峙崇嶽崑崙蓬萊鳳翬龍旆夕宴望春  
晨通長樂于以鳴瑟于以垂衣美輪美奐來王來歸  
沐風櫛雨於鑠

高皇鼎新震出我后彌昌綢繆戶牖丕構肯堂行乾  
體坤文弛武張千秋萬歲康哉未央

述意

惟山伐木惟淵沼魚蚩蚩羣生真宰所愚巧爲拙使  
暴亦仁驅顧瞻浮雲翱翔冲虛

虛兮何屬若牧遞侵形單知耦烈士煎心援弓射天  
卽鹿從禽卓哉鴻飛于彼長林

五言古

懷古

天子拜大將逡巡無敢前握手交鄼侯登壇氣軒然  
少年側目眎咨睢汗流顏憶昔我袴下一朝凌青煙  
三軍膽四落雄風傾齊燕壯士伸知己富貴如等閑  
當厄誰進食乃知漂母賢

五日之內兩謝知己云亾之痛不能爲懷作釋

哀一章

一氣自聚散萬物共彫落往還天地間前後互哀樂  
存者摧爲亾今亦忽如昨執形見生歿有情嘆離合  
千秋稱英雄一往等蕭索生人偶相遭不歿亦何藥  
云云因無窮昧者失明察骨肉已歸土眷屬轉相託  
有涕洟泫然九原不可作所以臨喪歌古人稱其達

悼內十首有序

亾荆沈氏守共聚順事尊撫卑半世糟糠十年機  
杼方期偕老忽焉中棄垂白在堂啼孤在膝塊然  
獨處能無傷懷深媿太上無情之達不勝古人忘

寐之慘聊成哀吟迷惑條理

其一

楚楚臺上石冷冷琴上絃微音動揉指心期諧百年  
絃斷不成聲臺空黯流塵心摧指欲折涕泗橫沾襟

其二

濯濯頭上髮皎皎匣中鏡千秋照顏色清光兩相映  
鏡破不成圓髮斷不可續愁絕白頭吟但有淚盈掬

其三

傷哉母去帷尚有七十翁賤子事遠遊扶持汝相從



青鬢頓以改白髮復誰待雞鳴問堂上煢然隻身在  
其四

匪母嗟何怙况乃十月兒默默負深痛呱呱傍人啼  
雖非親阿母須乳聊充饑黃髮方翳然長大安可知  
其五

古稱糟糠婦亦或間膏粱汝夫耕筆田肥脆那得嘗  
大半餉賓客小半羞高堂總令七箸餘兒女忽在傍  
其六

貧婦宜荆布亦或雜綺繡汝夫尚衣褐組織復何有  
脫簪計且盡愀然淚衫袖秋聲動砧杵針線不停手  
其七

寧爲商人婦莫作寒士妻商歸尚多金士寒抱空帷  
著書雖自快妻子胡所爲無已稱德曜千秋紹音徽  
其八

十年爲夫婦射策四不收余或重慷慨爾亦甘窮愁  
尚慕於陵子辟繡愴無求貧賤不得長使予心悠悠  
其九

生別尚惻惻死別烏能忘登樓聞無人腸斷提殘粧

宮林詩集 卷之一  
蕭然顧四壁彫零舊衣裳俟汝二女長遺以克笥箱  
其十

重泉何悠悠長夜何杳杳落月徒依然孤燈復誰照  
恩愛雖不移骨肉亦已稿勞思寤寐間形神兩相弔  
馮繩武招飲湖舟兼呈凌四元禮時元禮小恙  
晨光曜疏峯緒風紆青陽林氣澹素秋悲哉思如狂  
何以寫我憂尊酒命詠觴湖水淨遊氛扁舟極徜徉  
巖壑朗几席芙蓉擘衣裳顧盼遲行杯譚論披中腸  
高會及須臾握手夜未央人壽亦幾何榮華等朝霜  
阮籍沈名飲劉伶誦短章涉世似已誕韜精詎云荒  
捐俗在無營達情自不傷寄言餐霞人參朮非良方

贈李山人醫隱

李耳觀至道玄牝爲其根太上澹無得其次生爲尊  
衆庶賤元命方士營精鬼何如韓康伯賣藥隱市門  
避世世亦濟逃名名長存所寶非方書靜居智不昏  
茅薦卿邀余讀書山中同舍吳子野金玄朗輩  
皆一時雅士各紆所懷

日月忽云邁江河森東流人生非喬松無故纏百憂

摩盪終古人一往不復畱獨此神明內炯炯負千秋  
賢聖代有作大哉集尼丘六籍閱萬有浩渺未易收  
明珠沉深淵智果焉能求何者大雅宗彫心競曹劉  
衆嗜偏追逐嘆息空白頭賤子苦拙愚放志希靈修  
西歧崑崙山東望蓬瀛洲長懷亾羊懼至禱結綢繆  
勉旃二三子天衢共夷猶

慶妾換馬

纖纖出金屋天天含嬌姿夙昔結歡愛忽然從中移  
所志在千里豈復懷曩時黃金絡馬頭意氣噴虹霓  
傷哉薄命人低眉淚雙垂後薪有時盡前魚未足悲  
恩愛詎久長去去從此辭

陌上桑

日出城南隅冉冉垂柔桑枝枝相傾委皎皎暉朝陽  
下有採桑女臨風以翱翔含睇凝空碧微唇曜朱光  
攘袖舉皓腕提筐曳羅裳行者繁嘆息芙渠出河梁  
使君從南來流盼忽旁皇車輪爲之回心覓紛飄揚  
招搖向阿女輕笈行相將願投明月珠效彼雙鴛鴦  
媒氏何所營會合茲辰良阿女前致辭使君一何狂

妾生秦氏樓夫壻侍中郎盛年結歡愛白頭誓毋忘  
譬彼此目魚遊泳寧殊方君懷豈不知所悲參與商  
賤妾未嫁時悔君不相當浮雲西北來白日不得長  
言念蠶苦饑無容叙衷腸

苦寒行

高山何蕭蕭嶮嶮多悲風嗟我遠行邁次且不能從  
四顧慘無色雪霏何濛濛猿猱夾我啼虎豹號其中  
馬曳腕復裂振策傷心胸爪指墮林莽肌膚批薄叢  
父母生我時焉知以是終屬毛離于裏傷哉獨煢煢  
暑往知寒來人命難爲工

坐冷泉石

平池散漪文投崖發孤響錯落松濤間巖谷爲之蕩  
坐此羣喧寂忽忽意與往

贈吳子野

吳家有隱淪延陵倡高格之子起猷畝襟期足朝夕  
詞英謝鉛華意貞矢金石忽忽土木形蕭蕭蓬蒿宅  
慷慨揚妙歌頽然有餘適

郭璞墓無樹木碑碣但有怪石嶙峋江中

落落七尺形寂寂一棺土何如郭先生長江自千古  
驚濤越楚吳清風散煙雨仙人不可見蒼茫問漁父

燕子磯

躑躅江上山振衣燕子磯仰眎浮雲來俯盼驚鴻飛  
日出扶桑隅高高揚其暉荆楚眇無際海門亦依微  
長流逝如斯古今人已非得意極歡讌感時重歔歔  
秋風搖黃落芳草何紛霏所以寥廓士托身在巍巍  
杯酒苟入手不醉良無歸

賦得胡姬年十五

良時會三五明月輝高堂胡姬妙年華映月政相望  
飛飛雲中鴈皎皎塞上霜新裁楊柳曲初試駱駝裝  
幽怨憐明君素心託王昌于飛羨鸞鳳躑躅羞犬羊  
淒風切寒幙驕馬嘶垂楊盛年不可再桃李誰爲芳  
自矜趙璧完安得秦城償空懷金谷想時抱玉關傷  
貴賤匪自爲生命各有方

夏日西園述懷

涼飈拂高樹清影陰叢竹水鳧弄碧藻山鳥遶蒼麓  
萬物欣有托依性願言足傷哉天刑人撫景嘆筑獨

寓林詩集 卷之一  
血亦有時盡中懷莫可屬朝暎良可愛忽焉已西薄  
自春而徂夏往者難爲續憧憧旣違心子子復違俗  
寥寥天地間側身尚局促人生非喬松流光等風燭  
悲灑子臯淚痛放賈生哭顧此百年中山川幾躑躅  
流水去不返白日一何速氣結勿復陳哀蟬咽林木  
爲李本寧太史賦甫柏臺四首

亭亭孤生柏移植高臺傍黝樛挺喬幹連蜷陰修篁  
文杏周四欄蘅薜雜中央青翠媚衆柯香馨飄曲房  
睨彼嘉木陰手澤遺此芳觀止增喟嘆穆如君子光  
三復新甫篇緬思不可忘

其二

思昔我府君解組歸田廬縻爵謝承華歡情奉板輿  
手植此嘉木三柯相駢紆虬枝摩霄漢婆娑樂郊墟  
遺澤在棠陰剪芟移前除曉霜墜蘭薄夕風振綺疏  
貞脆標千秋德音期與俱

其三

朝華不及夕春華不及秋登高覽園方纍纍鬱荒丘  
凜此歲寒標孤生貞而幽矯首下白雲俯首紆蒼虬

樓靈謝羣芳名山以遨遊森森神仙姿千年揚其休  
其四  
滔滔江漢陰悠悠澹澹涯奕世生喆人文彩縱橫馳  
奮藻煥鸞龍紉佩扈江籬更乃懷純孝十載勞爾思  
新臺何嫵嫵甫柏何離離薄言憇憇婉亦永垂芬菲  
哀情感蓼莪因風托此辭

寒食歸自璉水作

昔我去璉水雨雪紛飄搖今我歸敝廬青青草盈郊  
居諸一何疾坐令容華彫征途有時還遊魂不可招

其二

出門悲無家入門悲無家荒煙迷郊原冥漠天一涯  
鬱鬱松栢青灼灼桃李華人命不得長對之令人嗟

其三

上堂撫靈几入室牽素帷顧瞻寂無人涕淚千行垂  
生無骨肉歡有生亦何爲躊躇立中庭黃鳥聲淒其

其四

遊子它鄉歸蕭索無所有中懷難具陳長跼上杯酒  
晨昏日以曠悽愴深自咎形影杳不親揮淚忽盈斗

明星燦虛牖悲風來寒閨耿耿不成寐夜長絮嗟吁  
愁向童僕語重以兒女啼人生不滿百對之傷心脾

其六

傷心誰爲言策杖北山隈丘墳鬱相望呼號集百哀  
我生何不辰悲哉獨徘徊放聲徹重泉極目惟荒臺

其七

白首不易保紅顏亦難持仙人王子喬虛無令人疑  
曠脉出物表悠悠百年期所居無親戚百年復何爲

寄劉抑之兄

修竹干雲霄芳草盈庭階高林鬱成陰鳥聲鳴啾啾  
故人邈江漢念之結曾懷微情詎有隔所嘆道路乖  
安得晨風翮奮飛與之偕流光疾如駛悲傷移形骸  
小人怯修途君子漸雲達浮沉各有域憂來浩無涯  
賦得春晚綠野秀分秀字

三春芳未歇羣卉氣滋茂散步騁郊原森森鬱玄圃  
新荷綴淺碧苦竹翳深秀瀉影搖清波絳光上巖岫  
和煙紛散綺披枝互錯繡藹藹柔柔垂絲絲苑柳覆



翠華爛可拾繁陰自茲逗欣此流光遲攬之被懷袖

述哀

一人含一心一心含一哀一心百哀集那能心不摧  
阿爺哭於堂阿母哭於祠出戶哭姊氏入室哭我妻  
哭妻淚已竭還哭兩歲兒舊哀未能已新哀轉相屬  
哀哀道不分心心斷難續人憐四民苦四民人爲哭  
我生獨何辜同時罹笑獨苦亦不可言哀亦難具陳  
腸迴如車輪心肝爲之崩孟秋七月望世傳孟蘭期  
家家悲歿別人人想魂歸魂兮歸不歸痛心眇無依  
愴焉聞嘆息邈矣隔容輝收淚旋四顧四顧寂音微  
明月照空堂蟋蟀響虛戶孤燈搖素帷蔓草委朝露  
出門此一身入門此一身一身能幾何萬苦兼千辛  
人生無百年我哀一朝并一朝何可支沉哀向誰道  
存者旣悼亾少亦復傷老天道杳難測人壽詎可保  
受此有情苦安得無生妙有生常苦憂何如速枯槁

奉壽胡元敬先生五秩詩并序

元敬先生仁質義問楷模州壤有太丘長者之風  
不佞某爲之心折久矣而乃辱其令子休仲謬而

論交休仲廣覽典墳冥搜玄素踔行卓朗鳳冠士  
羣蓋慈明元方之倫也先生有子結爲大年何羨  
乎喬松彭聃哉今年秋先生行年五十二三親朋  
願起爲壽而先生方戚然慈闇亦會某在筮筮之  
中玄黃觴豆非所以將在禮無容無文中情所懷  
文之不可以已也播之颺之倡以短述

駕言西河渚遙望南山岑峩峩青雲表下有叢桂林  
孤秀結靈區玄鶴鳴在陰彼美胡公彥仁以爲已任  
鍾君邁至德有道亢素襟鳳德矯不衰有雛揚其音  
研文證名理履道懷玄心諠古可躡往辭英將無今  
嗟余蕪陋質剖心諧盍簪棄捐世俗好入室援雅琴  
傷余遭薄祐慶子情方深有情不可已無文詎成吟  
微辭薦不腆聊以志所欽

送開之先生赴官南大司成

大海注百谷匠石衷羣材象形不一規至虛洪纖該  
周公下白屋多士風雲來經術重漢鼎詩書燒秦灰  
六代繁華子浩歌臨高臺淫淫東逝流衣冠安在哉  
明興恢王風南國掄上才夫子茂大雅聲教暨九垓

冰鑑明素質玉管稟鴻裁攬轡白門道振鐸鍾山隈  
駿驥骨法異伯樂當見推樹彼桃李姿帝庸作鹽梅  
矢歌非惜別眷茲手中杯千載幸一時願言扶傾頽

明鏡行送錢國維赴官銓部

象形不一規人心有如面周道直如坻山川幻千變  
置身妍媸中妍媸詎可見愛茲明鏡光至精堅百鍊  
體含淨于水用應炯如電湛爾無欲觀晰彼有物辨  
屢照匪云疲內眎還不眩芙蓉濯清露空虛物自現  
持此贈君行庸作千秋鑑國色本無容醜婦何所怨

六月帷中諸生讌集靈鷲山

林木已浹爽山雨頓無暑方來喜得朋宴坐足嘯侶  
酬對有玄風周還中懿矩綺筵發高倡禮席間法語  
釋彼域內戀暢此尊中醕杯行再斟酌燭刻復延佇  
黯黯夜光微沉沉晚雲貯擊鐘出清籟然藜煥寶炬  
揖讓理醉容談言展物緒躑躅下山坂蒼茫窺島嶼  
情劇深懷來時止詠歸去短屐紛從橫高枕任爾汝  
賦得馮媵好當熊

千金不垂堂萬乘不履危君身重于山妾命輕如絲

黃屋詎不尊逸獸不可爲後宮三千人逡巡引重帷  
咆哮起倉卒虎賁不及施綿力非敢前中懷不自持  
所願君身安妾身非所知傷哉青蠅集詎念當熊時

出門應南宮試作

咄咄出門去日白秋風高拂袖謝妻子含笑看佩刀  
抱膝悲疇曩許身及茲朝蓼莪旣以廢北山寧無勞  
長鯨沸海上封豕憑天驕奏書多賈傅仗劍無嫖姚  
聖主靜宸居天下方嗷嗷哇怒詎足式膽氣何雄豪  
感慨激曾懷盼睠生英標古道不可期時危顧所遭  
雞聲起四隣江流盪洪濤鞭策非世榮頭顱已蕭蕭  
遲沈水部伯含不至

晴雲臨曉幙芳樹垂清陰馬蹄散埃風鞞鞞驟車音  
徘徊立堦墀攜手懷同心扶光坐以移流覽延空林  
咫尺有曠違況乃愜遠尋所以澹岩士入林遺冠簪  
遊西山作

悠悠逆旅間忽忽意不展振策西掖門佇覽西山巘  
埃風紛車塵曉日出林覲遵塗泛洲渚披草踐平行  
水清旣近矚峯遠亦流緬古寺嘶佛容殘碑理荒蘚

青來香山多翠集碧雲填石泉漱齒齒林露落泫泫  
故術尋嶮嶽新蹊遞深淺靈巖恣冥搜秋容歷餘盼  
營鬼境互託貴賤理無選微尚儻有愜非譽自茲遣  
贈阮堅之司理

東阿懷古

晴日下山坂北風蕩林柯疎黃木葉變遠青烟靄多  
驅車不停策流光如逝波遙指三歸臺牛羊紛相過  
當時繡虎才寂寞白龍阿對酒慷慨歌人生信幾何

清江浦阻風偶讀阮藉詠懷詩作

荒荒白日漫粲粲飛商飈河流不可泝孤坐生蕭騷  
我愛阮嗣宗放懷何廓寥北望太行道傷此行者勞  
一慟有獨往情惻神逾超眷言蘇門人清嘯遺林臬

兩君詠

湯儀部若士顯祖

嵇阮自千載晉代堙衣冠卓爾平昌令曠然域中觀

退不耽小隱進不卑小官沈姿無定形湛性無驚湍  
世跟迷玄黃苛論務索癡想似竟無匹能無結深驪  
曹民部能始學佺

彼美南方人飄飄凌雲端密坐有餘盼縞帶結所歡  
玄心映冰玉清姿出衣冠塵軌紛錯軫高步疏遐觀  
文言賁千載智效匪一官美服集多指將無懼金丸  
淵停有安流洪濤任漫漫

自君之出矣

自君之出矣流涕沾裳衣願爲車下塵隨君車上飛

又

自君之出矣楊柳垂河塘眷茲春時青常恐秋來霜

又

自君之出矣荷花發清池墮爲水中泥結爲藕中絲

夢遊仙詩

景州道中作

我聞神仙人瀛海匿遐跡庶幾一見之百感變營魄  
如何行塵間假寐忽通夕一壑旣盡美孤清亦殊格  
曠爾靈龜觀瞿然臥山澤仰首餐紫芝俛首餐白石  
姓名不可知意者浮丘伯想似聖亦迷大道莽何適

神超無近尋理詮有真宅遽遽戶牖開天風振六翮

嘖嘖逝篇

有序

余以春月攜家水行謁選京邸謂庶幾泛宅可省  
兩際之煩而家人性不耐舟蒸鬱暑氣病者相枕  
五月余亦帶病骨下舟忽聞有乳媪子七歲墮潞  
河歿一墮不可復覓又一日則吳媪隨行者以熱  
病狂叫歿腹有七月妊年四十有四又十餘日則亡  
妻張氏母羅氏不佞疆之與婦俱者亦以熱嘔水  
漿不下咽道德州歿年四十九嗟乎來兮何因去

亦何故一月幾何倏墜四命卽貴賤別倫修短殊  
歲而客寄覓遊一往俱盡不佞慙自孽之不殄傷  
物化之無常作嘖逝篇用哀長逝聊廣達生云爾  
茫茫江河流漚沫聚一切人言人治人我言鬼閱世  
人鬼無定門物質自堅脆遞茲生歿因紛紛送年歲  
生希華屋居歿託一坏憇七歲旣沉洄七月亦遺蛻  
莫壽四十九俱作重泉閉於賤或無畱在貴亦不貫  
驪辭故里遊悲愴它鄉逝天涯有想覓牀頭設虛祭  
當其病互憐安知歿相繼萬化有偶俱千里適冥契

傷壽彭祖天知代兩無繫我偶後故人詮茲豁幽滯  
五月授進賢令出都辭諸遊好作

晨雞鳴高樹霽日開朝陰駕言南州邁病骨搖岑岑  
君軒日以遐塵軌紛相尋朋好盛祖筵爲予理鳴琴  
鴻鵠漸雲遠凡鳥馳風林域思無高步遵道有冲襟  
冲襟何以懷陳徐千秋心

聞言

齊威不可測毀封譽乃烹雖非聖哲規燭此末世情  
客言徐君美攬鏡還自明醜好因有分睚眦好相傾  
不見清泠淵所居澹而平

黃子爲鍾陵令三年無可報成者吏人忽見告  
及期矣悚然有作

峩峩山上松青青田間苗蔥芊詎有殊高下在所招  
牛羊紛來過風雨時飄搖辛苦歷三春成毀虞一朝  
欣此日至期何知藝者勞黍稷苟有託所羨非凌霄  
美好恐不終棄捐等衡茅

榛兒週歲作

七月榛兒生彈指已週歲呱呱方始啼喃喃遂能嘒



豈其五色華操筆以爲慧豈其七星文寶劍以爲衛  
無言物偶呈起念手與契四十六年前予亦不復計  
玉樹固自佳種者抑何係我羨陶淵明廣心置一切  
於世苟有託在善良不貲

朝櫛偶成

颯颯涼風生行行長日迤飛飛葉落黃條條髮抽白  
全盛紅顏不易持朝來翠握暮還辭青青惟有南山  
桂挾得凌霜傲日姿

寄贈鄒爾瞻先生二首

少年抗志意停立青雲端飄然出戶庭洪流何漫漫  
擊楫發孤嘯大川濟良難夔龍冥丘壑巢許鮮衣冠  
篙師寂無事何以定驚湍慨慷梁甫吟爲君起三嘆

其二

高才競揚波玄黃紛陸離孤尚據一尊吾道日以夷  
側聞大賢論卓爾志士規於仁湛合體與善欣同師  
時平坐垂裳箕穎夫何爲棲棲亦有懷談經聊解頤  
出處無二觀漸達羽可儀

余嘗言閱宦籍可以長道心今檢骸骨可以悟

無生偶成代偈潤陂作  
荒荒白日下諦觀雙骷髏  
血性安在哉析骨此林丘  
踉者橫涕淚觀者泣幽囚  
檢人檢于人仇人與人仇  
骷髏寂無言生者紛啾啾  
我亦偶作主爲汝平恩讎  
畢竟主者誰苦海一浮漚  
孰開生死路孰作是非謀  
齒亾舌亦往電火乍去畱  
同作骷髏觀月明水東流

除夕作

吏散云事稀官閒得林逸  
梅氣襲疎牖桂叢覆虛室  
彼美鬱秀森新故不移質  
我心獨何求搔首百憂茁  
悔來匪今詈咎往維昔絀  
高明氣所升流變寧有卒  
仰天欲伸眉攬鏡重增怵  
短髮不續心長繩不繫日  
欣此春光賒悠悠理清瑟

空林玉版詠

有序

城南寺在霧嶺上寺後片地竹林最佳予旣于中  
築玉版居有記矣時而獨往亦或偕客撫景有會  
亦不能自言其佳聊得五首託好此君糝糠在前

聊以免俗

其一

偶無門庭喧步出城南隅披霧漸得嶺開雲遂升衢  
中有祇樹林古木鬱以紆亭亭青琅玕玉立與衆殊  
小構成密陰靜嘯恣所娛

其二

忽忽白日速五載壇石長事事不如人此間有微尚  
空林澹何求冷風起清唱峯前烟光霏松際霞氣上  
徙倚無定依歲蕤轉相向山僧罷逢迎我欲數來往  
塵軌詎有塵禪扉亦何禪荷荷巖壑間此君足周旋  
佛火明空翠鐘聲和疎煙啁啁衆鳥語時與經梵宣  
懶慢謝人理聊以代歌絃

其四

生平夔結客有酒常盈樽偃僂巖邑下蕭疎孟嘗門  
豈無湖海豪清虛枉相存松下折玉版聊以充盤餐  
未足快人意素交夙所敦

其五

坡老妙禪喜啓予有器之攜手長林下叅承玉版師  
託根詎離塵冲味了不緇漠漠玄風揚濯濯清露滋

溥然衆味餘冥契良在斯

張孝子詩

有序

有吳張孝子明父者兄弟五人其母夫人病請以  
木身代越七日孝子歿而母夫人以生家人無知者  
居久之得孝子禱辭于壇下敗楮中而後知之相  
顧悽愴感慟不已蓋卽張廉訪慎吾公弟汝亨從  
屬下吏聞其事公亦反身向嗚咽而因得讀孝子  
傳及諸碑誄歌誦異哉孝子之至通神明格天地  
也而況人乎夫啓手易簣大賢之懿範割股刺血  
至人之獨行乃子母生死相代禪如券而迅于轉  
轂未有若孝子者天人符應之速也小人有母而  
不能以身代嗟行之人獨少兄弟卽無文能無情  
至之感于是乎作孝子詩凡六解

其一

包山有青鸞一鸞有五鷁頡頏餐琅玕颯颯披珊瑚  
相將恣翱翔志意壹何娛一鸞罹霜露五鷁泣呱呱

其二

灑泣將何爲哀哀乞靈祐托根念所生根委枝亦仆

悲風從西來焉得常縮附願得一身償毋令四失怙  
其三

巫覡不可招盧扁不及旋五膈釀五絲請續一綫年  
靈爽苟有垂誓願無迴遭捐生重反哺寧不顧比肩  
其四

一字一泪垂中腸刺如棘生歿曷足論輾轉成偈仄  
母生如可貸吾歿亦何惻灑血默致詞冥心赴幽墨  
其五

躑躅捩璣璿循環旋日月西沒將崦嵫東升亦沉朏  
沒者漸迴光升者倏淹忽陰陽詎可干精理洵超越  
其六

籲歿遂得歿乞生還得生生歿迅轉轂至哉生人情  
笑視堂前萱顧瞻田中荆春草亦纖纖安得千秋榮  
初秋過英山遲劉幼安先生

暑氣清雨餘涼飈起秋夕越陌攬稻穰穿叢度林隙  
涉津旣得崖入山詎分席白鳥下飛翻明湖坐澄碧  
緬懷物外人相將品崑石

遲幼安先生不至再閱鄧文潔公集

空林無人語松石淨埃氛寤寐勞昔賢披翻覽遺文  
了義證靜妙率詞挹清芬人往意何在所尚非典墳  
牙期畱密好水山愜遐聞

感懷

虞謨已千載周道日以湮都俞寂無聲是非相糾纏  
聚蚊而成雷潰隄如決川競作爭臣論未悟齊物篇  
見睨則雪消履霜知冰堅虎嘯來烈風垂衣靜羣喧  
其二  
寥寥天地間籍籍鬚眉兒玄陰沍層冰衆雄化爲雌  
貂冠上干雲龍劔將安施元禮凜風裁太丘妙委蛇  
漢季風斯靡二公徒爾爲我思申屠蟠亮哉羽可儀

嘉平月再入覲作

彈指復三載俛首理初服居諸疾如馳玄冰涉川陸  
較有寂無稱課無咎且續名駒昂千里駕者苦躑躅  
何以跼自陳往者不可贖孤坐茂樹陰獨詠滄浪曲  
庶幾清冷心中行冀來復

感遇十三首

有序

夫感從物生情緣境觸潯陽以來眺覽山水心目

小愜廬鳳青徐之間埃風不靜荒落滿眼又或懷  
古踟躕撫時涕泗中有慨然輒付呻吟非敢列于  
風人庶幾託之繁獻焉爾

寒途不停轍北風吹薄帷滌面無清埃白日忽崦嵫  
哲人自遠引深山行采芝挾策困蘇季上書悲李斯  
我愛段干木閉門靜無爲咄此七尺軀乃與馬兔馳

其二

扶光曜曦旦萬物欣具瞻寒霜悄無威沕穆一以宣  
浮雲西北來太清有回遑蜉蝣出盤宴斗沫暉中天  
媿無魯陽德揮戈使之旋

其三

次且車不前極目望原陸荒荒草亦淨饑人骨如簇  
強弱相噬吞折骸復剝肉寥寥存者幾柴立埒稿木  
嗟彼膏梁子策肥而衣穀不見流民圖安聞向隅哭

其四

洪水浩懷山下民咨爲魚上者棲城闈下者穴地居  
流離去鄉井僵臥填路衢更聞水中怪呼號東南隅  
倉廩詎不充發粟無長孺黃屋深九重曷聞嗟儆予

安得濟川才康食聚田廬黃華滌水重具開  
其五  
日落城西隅閒登戲馬臺緬懷千人雄悲咤山嶽摧  
楚歌四面會漢兵夾道來泣下可奈何雄圖安在哉  
浩瀚霸氣餘黃河奔如雷

其六

孟嘗敬愛客冠履三千人僅仗鳴吠雄而脫虎狼秦  
折節遜平原虛聲軼春申徘徊滕薛郊蕭條半荆榛  
惟有雍門泣千載爲酸辛

其七

秦法倨無體漢皇扼雲屯綿叢田野間草草起叔孫  
雖非三千儀頓令朝廷尊卓哉魯兩生抗身禮逾存  
咄咄刀筆吏安能揖其門

其八

瞻望東嶧山濛濛遠峯青歷落多怪石盤紆少林垆  
中有孤桐榦稜稜上蒼冥又聞雙神仙御風行泠泠  
企想有超忽車馳悵靡停

其九



人命亦何脆迅速無常期朝駕路上車夕委路傍泥  
家鄉不可問遊魂渺何之隴畝亦可老奔驅空爾爲  
人生如逆旅千秋盡若斯偕出不偕返哀哉悽心脾

其十

白日蕩埃風黃塵漫草野覲面失爾汝焉辨牛與馬  
悠悠行路人誰能堪此者辟如濁水魚與波俱上下  
豈無清松陰偃仰坐清暇問津信多迷觀物審無假

其十一

子房冠人傑佐漢垂鴻名羽翼非戰功妙致商山英  
李唐構危疑鄴侯定其傾涕泗橫襟袖骨肉諭精誠  
基禍起房闔矢謀在忠貞佳人洵難得一顧傾人城

其十二

仲尼稱不黨歐公論無朋宇宙曠如許是非何囂陵  
嗟哉漢季世標譽議彌騰貂璫橫鷗張薦紳罹繳繒  
履霜堅冰至木朽蠹乃乘嘆息三致辭覆車焉可仍

其十三

淵明抱介性叔夜稟仙姿一曲廣陵散三嘆歸去辭  
坡老文中仙逃禪自得之吾愛三君子行藏坦無疑

汰俗契真賞吾亦得吾師

張洪陽相公小集桃花嶺次韻一首

驅車帝子洲杖策桃花嶺中有仙人眠雲石窻靜  
峯峯鬱千林茫茫蕩萬頃循崖漱紫泉澄砂滌丹井  
霧術旣以披霞容壹何靚還視區內勲辟如大江影  
深山貯古月長林照初景喧寂何足言神超理彌永

洞霄宮

在餘杭

驅車出郭門遵崖度谿橋西指天柱峯岩崑凌紫霄  
策杖往從之仙源路非遙巖碧瀉層澗竹翠握林皋  
泠泠谿下泉音響一何超停雲披殘碑漢晉非一朝  
峯際洞天宵羣仙渺相招丹竈亦已堙秋空鎖寂寥  
安得浣塵纓御風吟逍遙

西目得觀字

東山美畧盡還歷西山觀紆迴伏丘壑參差出林樂  
枕石欣在澗臨流漸于盤巖翠落千丈雲容妙萬端  
亭立俯羣岫恬波起驚湍緣崖凜木末攀蘿怯層巒  
靈跡非一規達者得所歡明月澹懷袖華露濯危冠  
何必三神山碩人洵以寬

達觀和尚墓

昔逢長安西今逢徑山上熱捧與冷喝生平呈伎倆  
霸心頓以灰玄義焉可仗不見水雲踪從橫任獨往  
歸宿佛慧是夕微雨草遊紀示詢師  
十日名山遊山山見明月歸來蕭寺幽微雨坐未歇  
緬想山行時飄飄清思發秋光澹層巖晴靄散叢樾  
歷歷若有存悠悠如或歿數往境靡遺懷來理無竭  
捉筆欲紀之忘言已超忽

爲吳太夫人賦兼贈吳體中大叅臨越

泛泛湖海間藉藉賢人林好爵獨爾糜挹公高素心  
靈河詎無源嘉木亦有陰載讀賢母傳悽惻貞姜吟  
九歿亦何悔千秋曷其任餐臥厲冰雪追琢成球琳  
琅琅禮樂器蔚爲巖廊琛芳冽已送往榮華直垂今  
越土多剛風肅穆君子臨宣教秉夙規高山鳴幽琴  
玄風一以暢聖善流徽音

山寺朝起試程君房玄元靈氣墨

朝爽無炎氛青林濯松露研靜翰且柔挹之展靈素  
黯質宕輕姿微風發濛霧霏霏蘭芬集皎皎鏡光吐

衆香難爲工孤清自沈趣泊守閣上玄妙入書中蠹  
兼愛吾不能與爾託衷悰

張方平好佛杜祁公常怪之六月祁公召醫者  
朱生云從方平看楞嚴經來遲祁公卽索觀之  
不覺驚嘆造方平謂其知之不以告方平曰譬  
如失物既得不必悔其晚也予偶覽法喜志見  
此一段因拈數語爲二公會面

失物忽已得得者原未失張公本尊孔祁老自好佛  
物本同觀得失君自質廓然此虛空無孔亦無釋

悲悔不必生前後妄相詰譬如東西方皎皎朗白日

感懷詩別姜仲文

居嘗嘆河漢握手欣此夕坐挹秋氣清仰觀秋月白  
咄咄不可知波濤起几席長翮將翱翔陰風忽含射  
抱茲無窮心相對苦不憚千秋管鮑交念之中如擗  
閉屋逢鼠牙舐蜜有蜂螫翻雲幻無端焉能保今昔  
所喻馨如蘭千里同咫尺君行凌赤霄我行枕白石  
宇宙故以寬焉用愁跼躅但願陰氛銷天門蕩空碧

送劉抑之少卿奉差南還五首

駿馬嘶北風黃花殘霜枝把酒酌花下遊子悵遠離  
遠離亦何苦動成隔年期有懷爲誰陳黯黯傷心脾

其二

憶昔聖水居松際流微月皎皎照色顏一見成肉骨  
爲歡日幾何離別轉倏忽盛年不可追相看指華髮

其三

行人胡不比怵怛歌在原與子託形影相和吹篴塤  
吹塤發高唱吹篴多煩寃悲風激驪歌酸心安可言

其四

寥寥宇宙間生人亦何殊丈夫秉昭曠肝膽無方隅  
我生胡不辰悲岐等楊朱荆棘生道傍虎豹當路衢  
采采雙鳳凰分飛不能俱

其五

人生非王喬飄忽如浮塵千秋重知己庶幾管鮑親  
管鮑世有幾況復越與秦揮涕欲有言哽咽難具陳  
願言珍此日嗇用存其真

山樓禮佛爲省南開士題

山樓高巍巍上與清虛逼樓頭望佛拜佛至無方域

奉我一心靈竭茲五體力心力兩俱捐彌空吐月色

### 般若堂

仙人好樓居山子巢枯樹跼蹐貧窶兒枝鷄與谷鮒  
孰開般若堂是名智慧寓於義妙無方在法本不住  
虛室耀珠圓大地匪金布智者憇其中我亦縱橫步  
不離長安城信足揚古路落落無我人亭亭出新故  
喚作賢公宅便爲袈裟誤稽首賦此辭千秋善囑付  
清美亭爲會長石太史賦太史父子俱好棋取  
東坡詩中觀棋句也

結廬長松下謾謾松風生有時衆籟寂剝啄彈棋枰  
長日送駒影靜夜流雲聲心手妙相得勝負俱無營  
何必詩與禮庭間有餘清萬古變化端靜者觀其情  
來雲亭爲渤海王木仲太史賦

大海峯高岳瀰漫垂天雲齊魯有奇士自稱雲中君  
結亭泊空際五色來繽紛襲霞燦光曜扶日蕩塵氛  
靜與玄漠對動將蒼溟分據梧如有戀凌松欲超羣  
解衣共盤薄吐氣相氤氳山川注時雨縵縵及無垠  
未許寂寥宅解嘲著空文

同醒齋爲同年黃又謙賦

衆醉非所安醒亦恥爲獨共此天地間醒醉豈殊族  
大夢昧丘山茫茫轉相逐當其遽然時寧復君與牧  
俯窺重淵深仰看白日速人生無百年何爲苦碌碌  
高歌起滄浪清嘯振林木月臨千山峯空明澄萬目

偶過鄧玄度一醉兼讀其百花洲集

訪客客不逢偶逢玄度飲相對談笑多遂至酩酊甚  
餘酣讀新詩風騷擅諸品古者擬陶謝近亦規宋沈  
題以百花洲燦爛竝如錦高臥一咏之長夜不欲寢

爲米仲詔湛園分賦飲光樓

太空浩無垠高樓兀以立登樓四望之紛紛虛白入  
日月蕩我胷雲霞爛俱集引盼西山顛爽爽青可挹  
何必承金莖神理有餘浥詎云帝座遙因之通呼吸

繡佛居

我聞佛非素亦匪繡可似佛亦不在空繡亦不在指  
空色兩俱非是佛何所止名曰繡佛居佛應不去此  
五色幻如花一法淨於水心手相刺時片片舒金紫  
還青亭詩三首爲方東谷先生賦

于郊縱廣步小築踞幽岑俯瞰清冷地仰攀嘉樹林  
芰荷香可襲松竹森成陰主人愛肥遯宴坐彈雅琴  
飛鳥時來翔隨風鳴好音嘉賓四面會把酒欣投簪  
高咏歸來辭千載娛我心

其二

征驪亦何邁逝波日靡停人生無百年汎汎水上萍  
獨此松與竹風雨無飄零秀色靄林薄可以置我亭  
何必減醉白因之字還青悠哉此卒歲庶幾古沉冥

其三

自古變化理滄桑無定居金谷與輞川茲勝亦已徂  
泉石有餘芬令德載之俱繁華有時彫古木鬱以紆  
青青垂深陰眷言堂構初玉樹盈庭堦寧復同蘧廬

舟入西陵作

以下游雲門作

出門卽無事適彼山水清岸木疎且秀谿流湛以盈  
暖日薄東牖遠峯當前楹探歷未云恣心神亦已傾  
過陶周望水天閣與君爽小飲夕下鏡湖

凌晨問陶徑清寂無塵氛情至有餘慨酒深得微醺  
緒言不能竟鼓棹臨湖汾水水如綰帶山山似層雲



寓林詩集 卷之一  
谿谷近相通林壑遙爲分乃信山陰道應接殊繽紛  
落日入杳靄天光數鴉羣

沈釀川

我聞酒如泉忽指川爲釀送客臨川湄人人滿其量  
酒人但啜醑便爾稱閒曠

古虞舟中

以下入慈谿作

晨風激商飈寒流鼓短楫蓬窻引遠山燭光攬餘雪  
伊人不我遐睨焉邈難越何以遣此懷且命杯中物

姚江阻舟

江岸不滿尺吁嗟蜀道行漠漠看日落朏朏望潮生  
推蓬指前途襟袖寒風盈所欣道侶佳濁酒相與傾

煉丹臺

以下四首黃山作

混茫削元氣海峯高崔嵬片石踞峯頂云是煉丹臺  
俯鑑月華白靜展雲容開鼎湖渺萬里軒轅安在哉  
玄風蕩我胷大地無纖埃容成若相招媿予非仙才

高川自指月庵登石筍砦下松谷

茆庵滯三宿披霧登崇岡側身海雲間羣峯森成行  
昔余叅玉版茲峯適相當小者出纖指銳者淬干將

互換非一規繡錯復屏張瞻盼若有失應接來無方  
此豈理所有神者剖其藏閱妙總無選啓秀競所長  
高臥松谷間念之猶徬徨

白猿

皚如山上雪皓然山中翁山僧拍手笑大聲呼袁公  
此公似靜妙踞石看孤松玩世世亦玩徂智將無窮

宿蓮華洞

石磴挂千巖躋攀倦心目日暮徑亦窮殘靄幕深谷  
有洞如覆蓮蘧蘆托一宿琉璃映餘清齋供分半菽  
乍倚青山隈忽報黃梁熟老僧小於獼經聲振石屋  
寤寐覓夢清來去風雨速披衣起攬之空山響晴瀑

嚴灘

朝溯桐江流暮凌嚴灘上歷落屹多奇澎溥莽殊狀  
石齒紛相擊濤怒彌以亢險道似走蜀搏風儼吹閬  
操者爲躊躇坐者亦惆悵安得有力人行空獨推盪  
遵夷神不驚觸物理多愴平陂何足論縱心自調暢  
午後步戚懋循園林

餘午涉芳園長林散幽步窈窕行深陰秀綠莽回互

雲間花氣紛竹下鳥聲赴選石復陟岡青山歷可遡  
周還尋故蹊幾作桃津誤主人敬愛客杯酒停堦樹  
微飲度蘭薰小坐挹葵露冲然披我襟鹿鹿何足慕  
古洞駭昨觀秀巖詫今異寒雪激飛濤忽自晴空至  
峯萼紛四垂綠雲互蒼翠彫繪誰爲之山靈抉其祕  
安得遺世氛長此臥石醉

紫霞洞

我聞赤城霞幻出天台路靈妙不可圍忽於此中住

紫光凝暮烟丹葩披晴霧洞然雙玉扉羣真倘來遇

玉露洞

危崖躡層霄杖策展遊目側見雙綠樹下臨空洞屋  
玲瓏七寶妝從橫五雲覆中有露如泉泫泫流芳馥  
赤松洵不遐丹液良可服去去將無窮仰嘆白日速

孟夏赴周孚卿約遊三洞還寄謝婺州郡邑諸

公

新夏來爽氣翳然林木繁駕言溯江風扁舟弄潺湲  
詎惟名山賞故交良以敦把臂展談讌行杯如瀾翻

談讌未足娛杖策探仙源崎嶇尋洞壑飄搖問崑崙  
羣真恍來會霞氣若可餐歸來坐起忽諸侯儼臨軒  
欣問神仙事窈冥亦何言快讀仙遊詩各欲逸籠樊  
因復呼斗酒日日涉名園既下豫章榻還空北海尊  
嗟予歷落人念之蕩心覓千里命嵇駕十日飲平原  
古人各有懷世俗安足論

寓林集詩卷之一終

